

帝固則堅實人以氣全為固蒂非後天之氣乃先天之元炁
也是謂深根固柢長生久視之道柢音帝木之直根也神全
為妙合妙合虛也虛則合道矣鍊虛合道為聖諦第一義即
釋家最上一乘之法○清菴李祖曰接上章其政悶悶之義
治人事天莫若從儉以國言之省刑罰薄稅斂以身言之省
言語節飲食以心言之省思慮屏視聽盡其心養其性可以
事天也

事天積德有國之母故次之以治大國

居位章第六十

治大國盡其心者若烹小鮮治心亦甚易以道蒞天下道不遠

道藏輯要太上道德寶章翼美心集四

○清靜無為其鬼不神無妄○陰魔俛首使非其鬼不神幻盡其神圓覺

不傷人心境兩忘物我一空○邪不非其神不傷人爾為爾我

特威網聖人亦不傷人於我何有○大制不割夫兩不相傷心復何故○形

德相交故德交歸焉惟道而已○道德感通

復圭子曰治大國是治身也身有性情有精神先要全其性
完其本來面目而不以人為害之恐傷性也若烹小鮮者不
敢妄動恐傷鮮也以道蒞天下欲人人不戕其生不賊其性
無干陰陽之和是聖人與天地同心矣鬼神感其明德方為
聖人用而不自用安見其神也道高一尺魔高一丈吾幻盡
而真全則陰魔亦化為陽神非其鬼不神其神不傷人神即

我之分神也鬼屈而神伸聖人出有而入無是兩不相傷也
形神俱妙故德交歸焉則聖人與鬼神合其德也

德交歸者能謙能下故以大國者下流次之

謙德章第六十一

大國者下流以大就小天下之交以小就大天下之牝無大無小

柔牝常以靜勝牡以靜制動以靜為下無事故大國以下

小國不競則取小國靜定小國以下大國處順則取大國此理

固存容於人也故或下以取靜心或下而取止觀大國不過欲兼畜

人神者萬化之主小國不過欲入人事心者道之源夫兩者即心是道

順各當其分各得其所欲神亦道性亦道故大者宜為下除垢止念

道藏輯要太上道德寶章翼 七心集四

復圭子曰此章全是借勢喻道柔勝剛靜勝動天下自然之
勢也亦理也道也吾且以其勢言之上善若水水下流不爭
先故疾而不遲大國者下流不擇細微無上入之心則可以
合天下之交牝之道常以靜制牡以靜下人所謂靜為躁君
是也大國能下小國則小國附之小國能下大國則大國納
之有作大吞小小吞大說亦可或大國以下而取小或小國
因下而取大夫既已稱大國矣復何加哉不過欲執牛耳為
盟主示廣大以明得意兼畜人而已小國欲修職貢以事大
國免侵凌豈無觀覺而動之念哉此兩者各求得其所欲大
國德之則委心聽命不德則轉事他人若大國失一小國天